

ARUBA ANTAÑO

Awendia nos mundo di construccin a yega na conoce diferente tipo di material pa construi un dak p'e casnan cu ta ser construi.

Si nos memoria no ta fayando, nos ta corda esnan di tempo di nos bieuwnan. Di esaki tabatin asina tanto di traha dak pa di es forma ey por a ser bisa cu tin un dak riba cabez.

Nos a conoce dak di torto, dak di pal'imainshi, dak di zink, dak di aluminium, y hasta ultimamente asina tanto mas, pero un di nan cu nos kier papia di dje ta esun di asbestos.

Asbestos ta un peligro pa salud di hende o e no ta? Nos ta kere seguramente cu e ta un peligro bastante grandi den nos comunidad, y cu masha poco sa di e peligro aki. Esaki ta un di e motibonan pakiko e grafico cu ta acompaña nos Aruba Antaño di awe ta ilustra.

E borchí cu tin poní na dom (caminda di tur sushi) ta un spier-tamento, pero unda mas tin di esaki? Cua ta e instruccion cu ta ser duna na e contratista, of esnan cu ta cambiando nan dak di cas? Poco sa di esaki, poco sa di e peligro. E borchí ta lesa lo siguiente: "AVISO- Deposito di Asbestos, no molestia e material aki, e por ta dañino pa salud di hende".

E dañino cu e stof di asbestos ta cu e por causa na salud di hende e incurable enfermedad di Cancer. Su cargamento sin proteccion, su destruccion sin proteccion, su transportacion sin proteccion di seguridad, tur esaki ta e peligro grandi pa salud di hende cu nos no tabatin ni conoce den nos Aruba Antaño. Atencion nos departamento di Seguridad ya cu nos tin un dicho cu ta bisa "Mas vale prevenir que lamentar"!